

SCRIPT OF EVENING GOJRI NEWS BULLETIN 19NOV 2025 1700 HRS

ایونینگ گو جری نیوز بلیٹن مورخہ 19 نومبر 2025

یوہ آکا شوانی جموں بے نصرت چوہدری تے اظہر حسین تیں خبر سنو۔

HEADLINES

- ۱۔ وزیر اعظم نریندر مودی نے پی ایم کسان غی 21 ویں قسط جاری کرے 9 کروڑ کساناں مانہ 18 ہزار کروڑ روپیہ تقسیم کیا۔
- ۲۔ وزیر اعلیٰ عمر عبداللہ ے گلگام مانہ جموں کشمیر علاقائی تجارتی میلہ گو افتتاح کرتا وائ مشن یووا غی شاندار پیش رفت مانہ اُجاگر کیو۔
- ۳۔ جموں پولیس غا انسپکٹر جنرل بہیم سین ٹوٹی نے پونچھ گو دورو کرے حفاظتی صورتحال جرائم تے آپریشنل تیاریاں غو جائیزو لیو۔
- ۴۔ جموں کشمیر ے عالمی ورثہ ہفتہ غو آغاز ایک ورثہ واک تے علاقائی ثقافتی پروگراماں غے نال کیو۔
- ۵۔ رانجی ٹرافی مانہ جموں کشمیر نے حیدر آباد مانہ 281 دوڑ تیں شکست دتی تے ابد مشتاق نے مقابلہ مانہ بہترین کارکردگی دسی۔

PM PM-KISAN

وزیر اعظم نریندر مودی نے آج کویمبتور تمل ناڈو مانہ پی ایم کسان سکیم غی 21 ویں قسط جاری کی حکومت نے ملک پھر غا 9 کروڑ کساناں غی مدد واسطے 18 ہزار کروڑ روپیاں تیں زیادہ غی رقم جاری کی وزیر اعظم نے آج ساوتھ انڈیا نیچورل فارمنگ سمٹ مانہ وی حصو لیو اس موقع ور وزیر اعظم نے کہیو کہ گزشتہ 11 براں مانہ زرعی شعباں مانہ کافی تبدیلی آئی ہیں انہاں نے دسیو کہ ملک قدرتی کھیتی غو عالمی مرکز بنتو جارہیو ہے تے ماری زرعی حیاتیاتی تنوع مزید مضبوط ہورتی ہے انہاں نے مزید اس طرح کہیو۔ اسی دوران کرشی وگیان کیندر سانبہ نے وی پی ایم کسان غی 21 ویں قسط مانہ براہ راست لوکاں مانہ سکرین غے ذریعے دسیو جہیڑو وزیر اعظم نے جاری کیو۔ اس پروگرام مانہ 250 تیں زیادہ لوکاں نے حصو لیو جس مانہ ترقی پسند کسان تے خواتین کسان شامل تھیں ڈاکٹر سنجے کھجوریہ جہڑا چیف سائنسدان تے کے وی کے سانبہ غا سربراہ ہیں تے زرعی کاروبار جسراں کہ مشروم تے دودھ غا کاروبار بارے دسیو تے بہترین کساناں مانہ حوصلہ افزائی غا سرٹفکیٹ دتا۔

CM KULGAM

وزیر اعلیٰ عمر عبداللہ نے آج کولگام مانہ جموں کشمیر علاقائی تجارتی میلہ گو افتتاح کیو جت مشن یووا غے تحت نوجواناں مانہ کاروباری کم دسیا گیا ہیں میلہ مانہ مقامی کاروبار، بازاراں تیں جڑیا مواقع تے کامیاب نوجواناں غی کہانی سانچ کی گئیں۔ وزیر اعلیٰ نے دسیو کہ ہُن توڑی تقریباً 30 ہزار ڈی پی آر منظور ہو چکا ہیں 9 ہزار معاملہ بینکاں نے پاس کیا ہیں تے پچھلا 5 مہیناں مانہ نوجواناں مانہ 400 کروڑ روپیہ دتا جا چکا ہیں۔ انہاں نے کہیو کہ ڈی پی آر منظوری تے بینک غی منظوری غے بشکار

جھڑو وقفو ہے اس وقفہ نانہہ کھٹ کرنو ضروری ہے تے حکومت نوجواناں غی مدد کرن واسطے کم کررئی ہے۔ تقریب سنگ خبان کرتا واں وزیر اعلیٰ نے اس طرح کہیو۔

IGP POONCH

پولیس گا انسپکٹر جنرل جموں زون بہیم سین ٹوٹی نے اج پونچھ ضلع غو تفصیلی دورو کیو اُنہاں نے اُت ایک اہم میٹنگ کی جس مانہہ ضلع غی مجموعی حفاظت جرائم غی صورتحاک تے پولیس غی تیاریاں گو جانیزو لیو گیو میٹنگ مانہہ آئی جی پی نے کہیو کہ نگرانی نانہہ مزید مضبوط کی و جے علاقہ مانہہ پولیس غی موجودگی نانہہ بدھایو جے تے تمام ایجنسیاں غے بشکار بہتر تال میل رکھیو جے تانجے حساس علاقہ مانہہ امن برقرار رکھیو جاسکے اُنہاں نے دہشت گردی مخالف کاروانیاں سرحدی مسائل تے ہنگامی حالات تیں نمڑن غی تیاری بارے جانیزو لیو تے پولیس نانہہ چوکنا تے پیشہ ور رہن غی ہدایت کی۔

ARMY CAMP

فوج نے شمالی کمانڈ غا اسپتال غے نال مل غے ، ڈوڈھ، کشتواڑ، راجوری تے پونچھ مانہہ اج تیں 22 نومبر توڑی موتیا بن یعنی اکھاں غی لو کھٹ بارے کیمپ غو انعقاد کیو ہے۔ ان کیمپاں مانہہ سابق فوجیاں تے اُن غا خانداناں سمیت عام شہریاں غی اکھاں گو مفت علاج کی و جارہیو ہے۔ واضح رہ جے مرکزی وزیر ڈاکٹر جتندر سنگھ پلک کیمپ غو خصوصی دورو کریں گا۔ اس بارے آکاشوانی غا خبراں آلا شعوبہ سنگ گل کرتا واں ادھمپور غا ایک مستفید نے بروقت طبی امداد واسطے شکریو ادا کیو تے دور دراز تے سرحدی ضلاع مانہہ قابل رسائی صحت غی دیکھ بھال فراہم کرن واسطے فوج غی تعریف کی اس بارے مستفیداں نے اس طرح کہیو۔

WORLD HERITAGE WEEK

جموں کشمیر غا محکمہ ثقافتی ورثہ و آثار قدیمہ نے اج جموں غا کال کیندر مانہہ ولڈ ہیریٹیج ویک یعنی عالمی ورثہ ہفتہ غو آغاز کیو سکول گا بچاں نے کلا کیندر تیں ابھینو تھیٹر توڑی ورثہ واک مانہہ شامل ہوا پرنسپل سیکرٹری برج موہن شرمانے دسیو کہ یوہ پروگرام 25 نومبر توری جاری رے غو جس مانہہ پلک جموں تیں سانہہ توڑی خواتین غی ورثہ بائیک ریلی وی کڈی جے غی۔ اُنہاں نے کہیو کہ کشمیر مانہہ کیلی گرافی بارے ورکشاپ تے ساب ق فوجیاں واسطے خصوصی ثقافتی پروگرام م وی رکھیا گیا ہیں تانجے ثقافتی ورثہ تے جموں کشمیر غی تاریخ نانہہ فروغ دتو جاسکے آکاشوانی غا خبراں آلا شعوبہ سنگ گل کرتا واں پرنسپل سیکرٹری برج موہن شرمانے اس طرح کہیو۔

PAINTING POONCH

پونچھ مانہہ بھارتی فوج نے ایک رنگارنگ تصویر نگاری گو مقابلو منعقد کیو جس مانہہ مختلف سکولاں غا بچاں نے بڑھ چڑھ غے حصولیو بچاں نے پیر پنجال غی خوبصورتی بیٹی بچاؤ بیٹی پڑھاؤ جیسا سماجی پیغامات تے بھارت غی یکجہتی جیسا موضوعات ور خوبصورت تصویر بنائیں اس مقابلہ غو مقصد بچاں غی صلاحیت نانہہ اگے لیانو سماجی شعور نانہہ بدھانو تے قومی یکجہتی غا جذبہ نانہہ پیدا کرنو تھو۔

اساتزہ نے بچاں غی تخلیقی سوچ غی تعریف کی اپنا تجربہ نانہ سانجہ کرت واں
کُجھ طالب علماں نے اس طرح کہیو۔

JK RANJHI TROPHY

جموں کشمیر نے راجنی ٹرافی گا چوٹی گا گروپ مقابلہ مانہہ حیدرآباد نانہہ 281 دوڑ
تیں ہرایو 4 تہاڑاں گا مقابلہ مانہہ جموں کشمیر غی اچھی گیندبازیم اچھی بیٹنگ تے
مسلسل دباؤ نے ٹیم نانہہ کامیابی دوائی سپینر آبد مشتاق نے سب تیں شاندار کارکردگی
دستا واں 7 وکتاں تے 68 دوڑ تیں مقابلہ غورُخ بدل دتو۔ اس جیت تیں بعد جموں کشمیر
مانہہ پُج گئی بے جہڑی ٹیم غی مجموعی بہترین کارکردگی D غی ٹیم چوٹی گا گروپ
نانہہ طاہر کرے 2025-26 راجنی ٹرافی غا پہلا مرحلہ غا اختتام ور جموں کشمیر
غی ٹیم دوجا مقام ور پُج گئی بے۔

PARA SWIMMING JMU

جموں گا پیرا اتھلیٹ چندپ سنگھ نے حیدرآباد مانہہ 25 ویں پیرا نیشنل چیمپینشپ
مانہہ دو کانسہ غا تمغہ حاصل کرگے علاقہ غوناں روشن کیو بے ملک بھر غا
سرکردہ پیرا تیراکیاں غے خلاف مقابلو کرتا واں اس غی کارکردگی نے غیر معمولی
عزم تے قابلیت غ و مطاہرو کیو نوجوان خدمات تے کھیڈ امور غی کمشنر سیکرٹری
یشا موگدل تے سیکرٹری کھیڈ کونسل نظہت گُل نے اس بارے مبارک باد پیش کی تے
اس کامیابی نانہہ جموں کشمیر گا پیرا کھیڈ نظام واسطے ایک تحریک قرار دتو انہاں
نے شیتل دیوی تے عامر احمد بھٹ جیسا کھیڈاریاں غی حالیہ کامیابیاں نانہہ وی
اُجاگر کیو۔

SHEEP HUSBANDRY

رام بن مانہہ محکماں پھیڈ پالن گوشت دودھ انداں تے اون غی فی جانور پیداواری تے
پیدوار نانہہ بدھان واسطے کم کرربی و بے محکمہ دیہی کوکڑی فارم تے پھیڈ تے
بکریاں غی پرورش غا فارم جیسا یونٹس غا قیام واسطے سبسڈی غے ذریعے مالی مدد
فراہم کرربیو بے اس اقدام غو مقصد مال چوکھر ور مبنی معاش نانہہ بدھان تے ضلع
غی زرعی معشیت نانہہ مضبوط بنانو بے اس بارے مزید جانکاری دیتا واں ضلع پھیڈ
پالن افسر ڈاکٹر شبیر احمد خان نے اس طرح کہیو۔
